

October 1, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15 año

No Hunga cu nos Pan



UN biaha mas, pero e biaha e trahadornan di EcoTec y EcoGas a dicidi di presenta den oranan tempran dilanti di oficinanan di Parlamento y Gobierno pa demostra cu nan no lo permiti pa ningun hende hunga cu nan pan. Ayera Parlamento lo kier a trata e ley nobo di Serlimar, cu si e pasa, lo nifica cu hopi tata y mama di e dos companianan aki lo perde nan trabao. E reunion no a sigui, debi cu el a keda posponi pa diarazon awor. Diarazon awor nan lo tey atrobe, pasobra nan lo no permiti un Otmar Oduber hunga cu nan pan.



**INVEST
SECURE**

We don't just say it ... We Guarantee it !!!



*Nos ta ofrece tranquilidad,
protehando nos comunidad.*

Pa mas informacion yama 582-7252

Di acuerdo cu Randell Croes ta for di 26 di juni ultimo,

El a dicidi pa retira, pero a laga masha interrogatorio



Randell Croes, ex-miembro di Camara di Comercio a sinti e necesidad di reacciona riba nos articulo di ayera, titula: “Crisis den KvK” Manera el a duna di conoce cu su retiro di su persona tabata planea for di dia 26 di juni caba. Anto dicon den forma abrupto ta dicidi retira?

No ta cuestiona di nos di AWEMainta pa drenta den un discusion, pero no por kita for di nos opinion cu su retiro a laga masha interrogatorio.

Segun Randell Croes, trabou di Kamer ta completamente boluntario. Tur miembro ta sacrifica hopi tempo personal den esaki. For di december hopi atencion, estudio y debate interno riba leyman, asuntonan fiscal y economico a haci pa por duna un aporte valioso n’e discusion nacional aki. Esaki ta motibo di su retiro? Randell Croes sa masha bon cu e ta haciendo un trabao boluntaerio y si esaki ta un molester, retira, pero no haci’e manera el a haci’e awor, per direct.

Su retiro NO ta relaciona cu un press release, ya manera Randell Croes a bisa cu su retiro tabata anuncia caba

na KvK for di varios luna pasa caba, p’e por dedica mas tempo y atencion na proyectonan grandi den dos otro fundacion, tambe boluntario, cu e ta forma parti.

Den KvK tin democracia. Decision ta cay a base di voto y mayoria ta dicidi. E mail cu, accidentalmente a bay prensa, ta un bon ehempel con esaki ta funciona.

Tur e splicacion aki ta masha bunita. Ta di aplaudi cu e ta haci trabao boluntario. Ohala hopi mas hende sigui su bon ehempel.

Pero pakico Randell Croes no a duna acto di presencia n’e KvK Business Event di diabierne ultimo? Pasobra e tabata rabia y digusta. Si for di dia 26 di juni el a anuncia di lo retira, ningun dia a ser bisa ki dia e ta bay? E ta actua mescos cu Otmar Oduber, kende tambe a dicidi di retira, pero lo baha dia 12 di december awor. Pakico no a warda te december, ora cu tin e siguiente eleccion pa puestonan den KvK, pero a dicidi di anuncia su retiro per direct. Pakico?

No ta nos intencion pa dentra den un discusion cu Randell Croes, pero e mester ta sincero cu e comerciantan cu vota p’e pa bira miembro di Directiva di KvK.

Parlamento a pidi mas tempo pa revisa documento

Tratamento di ley di Serlimar den Parlamento posponi pa diaranson awor

Pero no tin sigur cu tin quorum tampoco

DIALUNA mester a tuma lugar tratamento di ley di Serlimar den Parlamento, sinembargo esaki a keda posponi. Minister Otmar Oduber a comunica esaki indicando cu den fin di siman a wordo acerca dor di Parlamento cu e peticion pa haya un poco mas tempo.

Pero Presidente di Parlamento no tabata sa esaki? Ta pesey Booshi Wever a califique como un joyo di Parlamento.

Diabierna Ministerio di Desaroyo teritorial, Infraestructura y Medio Ambiente a contesta practicamente tur e preguntanan haci dor di Parlamento cual tabata mas o menos 34 pagina di pregunta. Esaki ta nifica cu Parlamento a ricibi masha hopi documento cual ta muestra e transparencia cu tin di parti di Gobierno.

Minister Oduber a splica ampliamente cu varios di e documentonan cu a wordo entrega recientemente na Parlamento, ya a wordo entrega den pasado. Na juli p.e., riba preguntanan di Parlamentario Daphne Lejuez, a manda tur e jaarrekeningnan cu tabata core atrasa desde 2011. Pues den menos cu dos aña den gobernacion, a percursa pa entrega te cu 2015. 2016 ta den su fase final pa wordo aproba dor di Raad van Toezicht.

Y e jaarrekeningnan di 2017 y 2018 ya caba ta den nan fase di concepto, pa por logra realisa esakinan tambe na cuminsamento di otro aña. Pues den un periodo di dos aña a percursa pa tur esakinan keda cla.

Dicon esaki ta importante, ta pa motibo cu cu atra-bes di e documentonan aki por ilustra con e compania a opera financieramente, pa por traha un 'business plan' di e compania. Cual ta netamente locual cu ta tumando lugar.

Apesar cu Serlimar no tin un business plan, a percursa pa traha un plan di maneho pa 2018 y 2019 cual tambe a wordo manda pa Parlamento, segun Minister Otmar Oduber.

Pues a base di e gran cantidad di documentonan cu Parlamento a haya for di Gobierno cu a muestra transparencia den e tratamento di ley di Serlimar, nan a pidi e disponibilidad di Gobierno den e caso aki pa conduci e reunion diaranson 2 di october pa 9or di mainta.

Pregunta ta keda, si di- arazon awor lo tin quorum, ya cu e lider di frac- cion di MEP, Rocco Tjon lo ta den exterior pa un biahe priva. Interesante pa si- gui e desaroyonan aki.



Publico a disfruta di tremendo presentacionnan

“Con pa yuda negoshi crece den un economía cambiante”

“How to thrive your business in a changing economy”



DIABIERNA 27 di september ultimo Camara di Comercio y Industria Aruba (KvK) a organisa su evento anual Aruba Chamber Business Event 2019. E evento tabata uno exitoso cu a tuma lugar e biaha aki den Ballroom di Hilton Aruba. E Aruba Chamber Business Event t’e gran evento anual di KvK cu ta pone enfasis riba e empresario local y ta duna atencion na topico cu ta impacta nos economia.

P’e ocasion aki e topico di e anochi tabata dirigi riba: ‘How to thrive your business in a changing economy’ caminda e importancia di yuda un negoshi bay dilanti y sigui crece a wordo discuti. E comerciante ta wordo confronta cu hopi obstaculo cu ta presente den nos economia y durante e presentacionnan a bin dilanti diferente strategia con pa vence esaki. KvK kier gradici Caribbean Mercantile Bank N.V. y ENNIA Aruba pa nan contribucion como patrocinado principal p’e evento.

UN PROGRAMA CU A GARA E PUBLICO SU ATENCION

A habri e parti oficial di e anochi cu Himno di Aruba canta dor di sra. Hilyann Croes. A continua cu un bunita show di baile cultural presenta pa NLG Dancers.

E moderador, sr. Mark-Benson Denz a yama publico presente bon bini y despues a toca turno n’e di Presidente di Directiva di KvK, sr. Kawish Misier cu a hiba un discurso.

Siguietemente sr. Armin Solognier di Caribbean Mercantile Bank N.V. y tambe sr. Henry van den Berg di ENNIA Aruba a haya e oportunidad di duna algun palabra n’e publico. E prome presentacion di e anochi a wordo duna dor di sr. Frans Ponson. Sr. Ponson ta un empresario local y un conocido comerciante. E publico a keda encanta cu su presentacion caminda el a elabora riba e topico di inovacion y con den su experiencia personal un negoshi ta crece, sigui desaroya y bay cu tempo pa por sobrevivir.

Sr. Ponson a termina su presentacion y e ora sr. Carl Gould a wordo yama riba escenario. Sr. Gould t’e keynote speaker di e evento y ta invitado internacional cu tin hopi renombre internacionalmente pa su contribucion n’e exito di hopi compania multi mionario.

Sr. Carl Gould a duna un presentacion unda el a splica riba e 7 etapanan di crecimiento di negoshi. E publico presente sigur a haya hopi informacion valido y practico pa nan negoshi. Despues cu di e dos presentacionnan a termina, a duna e publico e oportunidad pa haci pregunta n’e oradornan di e evento.

Directiva di KvK a clausura e parti oficial cu algun palabra y a gradici e oradornan y tur esnan presente pa haci e anochi uno exitoso y sperando cu nos comerciantenan mira e balor cu por wordo agrega na nan

negoshinan por sigui crece y stimula economia di Aruba.

AUSENTE

Notable tabata e ausencia di miembronan di actual Gobierno, pero tambe no a nota presencia di ningun Parlamentario. Nan a wordo invita of no?

CLAUSURA CU NETWORK Y BON AMBIENTE MUSICAL

Despues di e tremendo presentacionnan a sigui cu e parti social caminda por a discuti riba e topico di e anochi y crea of reforsa e lasonan comercial den un ambiente ameno. Esnan presente por a comparti nan experiencia acompaña di un aperitivo y bebida. Pa termina e evento publico presente por a disfruta di e bon entretenimento musical di ‘N Fusion caminda publico por a goza, baila y disfruta di e evento di KvK.

En conexion cu e evento KvK a produci un encuesta p’asina colecta informacion riba e evento anual. Si bo persona tin algun comentario of sugerencia pa engrandecer e evento anual di KvK y ta interesa den e encuesta, fabor di manda un e-mail na businessinfo@arubachamber.com of tuma contacto cu Departamento di BIS na telefon 582-1566 ext. 27/30. Intencion di KvK ta semper pa brinda informacion y contribui na un mihor comercio cu mas oportunidad y exito pa Aruba.

Candela di mondi cerca di un cas na Purun



DIALUNA mainta pa mas o menos 11:45, Brandweer a ser pidi pa un cas na candela na Purun. Na yegada di Polis y Brandweer a resulta cu no tabata un cas, pero un mondi patras di e cas tabata na candela.

Esaki tabata hopi cerca di e cas cu mas cu claro a pone e habitantenan bati alarma.

Unda e candela tabata den mondi tin un homber ta biba den un cuarto di palo, y e candela tabata menasa esaki tambe.

Bomberonan a logra domina e candela prome el a causa un daño grandi tanto na hende y cas.



Buscando un prestamo pa drecha bo cas pa temporada di Pasco?


Pa mas informacion of un cita yama 523-2250



BANCO DI CARIBE
Banking Together

Minister Otmar Oduber a anuncia cu

I Love Aruba pronto lo wordo arma na Welcome Plaza cual lo bira su sitio nobo



BO MESTER DI WASTE BUCKET RESIDENCIAL OF COMERCIAL?

ecotech **YAMA**

Mr. Bucket

594-3757
mrbucket@ecotech.aw

20 yrd Big Bucket 15 yrd Junior Bucket 10 yrd Small Bucket



DEN bon acuerdo cu propietarioan di e borchí di I Love Aruba y DOW, dialuna a cuminsa cu e trabounan pa desarma e borchí pa muda esaki, e trabou lo finalisa den transcurso di e siman.

Dialuna mainta Minister Otmar Oduber conhuntamente cu Director di DOW y Omar – Steve Lejuez como propietarioan di e borchí di I Love Aruba, a informa di e cambionan tumando lugar pa local t'e localidad nobo di e borchí di I Love Aruba.

Ya pa 3 siman a cuminsa cu e contactonan entre DOW y e propietarioan di e borchí, cu algun aña pasa a ricibi permiso p'e wordo poni dilanti Bestuurskantoor.

E tempo ey Minister Otmar Oduber, siendo Minister di Turismo, no tabata kier e borchí aki dilanti di Bestuurskantoor, pero a prefera pa pone esun cu awe ta na Plaza Turismo. Awor el a haya e oportunidad pa muda esaki.

Rason cu a cuminsa cu e combersacionnan pa re-aloca e borchí ta, primordialmente pasobra manera comunidad por a tuma nota ta, cu ya pa 1 aña y mey tin renobacion andando na edificio monumental cual t'e Bestuurskantoor.

Den cuadro di esaki, e monumentenverordening ta stipula cu no por tin tipo di articulonan cu ta obstrui e bista di e monumento, segun Minister Otmar Oduber.

Minister Oduber como un persona cu semper a sostene y pusha turismo, sigur ta apoya y e promocion di Aruba den tur sentido.

Pa cual tabatin bon alternativa manera e.o. a considera sitionan alternativo pa ubica e borchí, manera den caya, dilanti Djispie's entre otro.

Finalmente, diabierna siman pasa a yega na acuerdo cu e borchí lo wordo muda pa Welcome Plaza. Eynan lo tin espacio pa busnan por para y bishitante por saca potret mas confortabel cual ta dificil dilanti di Bestuurskantoor.

Dia 14 december 1990,

A declara 1 di october como Dia Internacional di nos Grandinan



NOS grandinan semper a hunga un rol hopi importante, como lidernan di nos sociedad, y conservadornan di nos tradicionnan. Mester menciona cu nan ta un grupo vulnerabel, hopi di nan bayendo den pobreza y cu limitacionan. Aunke cu e cuido di salubridad ta mehorando, e poblacion di nos hende grandinan ta sigui crece y nan necesidadnan tambe ta bira mas.

Dia Internacional di Hende Gandi ta un oportunidad pa ilumina e contribucionnan importante cu nos grandinan a haci den nos comunidad y crea conscientisacion di e oportunidadnan y reto nan den e poblacion cu ta envehece den e mundo di awendia.

Nos di Seccion Cuido di Nos Grandinan kier a conscientisa y empodera nos grandinan den tur dimension di desaroyo, incluyendo promocion di nan participacion activo den nos sociedad, economia y bida politico ta un manera pa sigura nan inclusion y reduci desigualdad.

E tema di e aña 2019 su conmemoracion ta: “E Trayecto pa Igualdad di Edad” (“The Journey to Age Equality”). E tema di 2019 ta alinea cu e “Sustainable Developmental Goal 10” y ta enfoca riba e caminda di maneha cu e existencia y preveni desigualdad den edad halto. <https://www.un.org/en/events/olderpersonsday/> E tema su obhetivo ta: Gara atencion n’e existencia di edad grandi y e inigualdad.

Crea conscientisacion n’e urgencia di maneha e existencia y preveni den futuro inigualdad di nos grandinan .

Explora e cambionan social y structural den bista di e manehonan di e transcursonan di bida, Reflecciona riba e mihor practicanan, educa pa progreso riba e trayecto pa termina desigualdad den edad di nos grandinan y cambia e narativo negativo cu tin rond envehecemento.



AQUA GRILL

eat drink AND BE merry

**COME AND CELEBRATE WITH US
YOUR HOLIDAY'S DINNER!**

- (3) THREE DIFFERENT MENU'S
- NICE AMBIENCE AND SPACE
- GREAT SERVICE & THE BEST FOOD ON THE ISLAND

**MAKE YOUR RESERVATIONS AT:
RESERVATIONS@AQUA-GRILL.COM
TELEPHONE: +297 586-5900
WWW.AQUA-GRILL.COM**

Aruba Bank presente n'e evento anual di Fundacion Amigonan di Archivo

E banco comercial mas grandi na Arubata revela e secreto tras di su exito digital



Aruba Bank tabatin e honor di tabata selecta como orador invita n'e evento anual di Amigonan di Archivo (ADA) cu a tuma lugar diabierna 27 di september na Renaissance Convention Center.

Aruba Bank su presentacion a ser dirigi p'e team di proyectonan y inovacion, den e caso aki sres. Arthur Frans y Nigel Wix kende a enfoca riba e aspectonan importante di transformacion digital na Aruba Bank.

Topiconan cu a ser duna a enfoca mas riba e evolucion di tecnologia y a uza como ehempel transformacion di telefon durante di e ultimo 150 aña.

Pa Aruba Bank, transformacion digital t'e proceso caminda un organisacion ta sigui haci uzo di tecnologianan digitalisa. Dor di e proceso di transformacion digital, e banco pionero di Aruba ta spera di por crea experiencia superiornan nobo p'e cliente.

Tambe ta hopi importante pa Aruba Bank por crea experiencianan personal basa riba e data y feedback di clientenan.

Ehempelnan cu ta wordo uza tambe ta con e procesonan ta wordo automatiza p'asina mehora e parti operacional dor di re-emplasa trabounan manual p'asina por scapa mas tempo pa empleadonan cu por traha mas liher y p'asina por tin mas tempo pa enfoca riba e importancia di duna un bon experiencia na un cliente.

Dor di transformacion digital, Aruba Bank lo por reacciona liher na cambionan den tecnologia of den e mercado p'asina colabora mas eficiente cu partnernan rond mundo, comunica cu clientenan dor di uza cualkier plataforma cu ta sostene e negoshi cu actividadnan diario basa riba tecnologia moderno p'asina provee e clientenan un experiencia personal.

E presentacion tabata uno hopi bon ricibi dor di esnan presente. E team di Aruba Bank tabata contento pa comparti nan experiencia cu transformacion digital bancario na Aruba.

ARUBA
Beach Club Resort

**TIMESHARE
FOR SALE BY OWNER**



**UNIT # 304 - WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

Guardacosta lo continua patruya intensivo rondo di islanan ABC

Guardacosta ta keda aplicá ley y detencionnan na momento cu personanan indocumentá purba drenta e islanan di forma ilegal.

Recientemente Guardacosta a detené 10 persona indocumentá cu arma y droga den awanan territorial di Aruba. Tur e personanan y e contrabando a ser entregá na Polis.

Guardacosta ta pone tur su unidadnan disponibel p'asina garantisá seguridad den e awanan territorial di Aruba, Còrsou y Bonaire. E barcu di Marina Real Zr. Ms. Groningen y su helicòpter NH-90 lo sigui colaborá cu Guardacosta.

E milicianonan di Aruba y Còrsou tambe ta sostene e patruyanan den e awanan rond di e islanan. Abo como cuidadano alerta tambe por yuda Guardacosta. Na momento cu bo mira algo sospechoso riba laman òf na costa, bo por yama Guardacosta riba e number 913. E number akí ta alcansabel di dia y anochi.



SETAR *Complete*

Internet

Cable TV

Telefon di Cas

60⁺

Start-Up

Afl.169

p/luna

Premium

Afl.265

p/luna



Yama 525-1702
pa info, aplica of pa un cita



AWE **MINI MEGA** **MEGA PLUS**

Awo cu 2 florin mas, bo por gana e **MEGA PLUS**

* Afl. **450.000,-**

* Afl. 350.000,- + Afl. 100.000,-
extra

f
t
i
y
loto

SETAR ta introduci pakete nobo di SETAR Complete 60+ y aumento di minuutnan gratis pa telefon fiho



ENTRANTE 1 di october 2019, SETAR ta lansa un pakete nobo yama SETAR Complete 60+. SETAR Complete 60+ ta un pakete na un prijs atractivo pa clientenan 60+ di SETAR.



E pakete di SETAR Complete 60+ ta un pakete beneficioso cu ta ensera e tres servicionan di cas cu ta telefon di cas, cable y internet den un solo plan. Clientenan 60+ tin escogencia entre dos plan, esta Start up plan of e Premium plan cu ta e pakete completo. Cu escogencia di un di e plannan aki, clientenan 60+ por disfruta di minuutnan gratis pa yamadan pa telefon fiho, un “channel lineup”

cu mas canal y speednan di internet mas halto (te cu 170 of 250 Mbps), tur den un solo cobranza.

Ademas, SETAR ta anuncia cu entrante 1 di october 2019 tur pakete di SETAR Complete (regular y 60+) lo conoce aumento di minuutnan gratis pa yamada di telefon fiho y e orario den cual e por wordo uza. Clientenan awor por haci uzo di e minuutnan gratis durante henter dia.

Pa mas informacion bishita www.setar.aw of yama 525-1700. Clientenan 60+ di SETAR interesa por pasa cualkier Teleshop di SETAR of SETAR Store pa aplica pa SETAR Complete 60+.

Verkeersplateau Rudolf Arendstraat



Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Rudolf Arendstraat cu diarazon dia 2 october 2019 y diahuebs dia 3 di october 2019 lo bay cera e caminda pa construi dos verkeersplateu.

Diarazon dia 2 di october 2019 lo ta dilanti Rudolf Arendstraat #22 y diahuebs dia 3 di october 2019 lo ta dilanti Rudolf Arendstraat #63.

Rutanan alternativa lo keda indica cu bari-cada y borchinan di aviso y e orario di trabou lo ta di 8'or di mainta y ta programa pa caba 4'or di atardi.

En conexion cu e trabou menciona Departamento di Obra Publico ta pidi pa tene cuenta cu e inconveniencianan cu lo por surgi pa cual nos ta pidi nos disculpa.

For di awe 1 di october 2019

Por tuma nota di Plan Preparatorio di Desaroyo Teritorial cu Reglamentacion 2019

POR medio di Decreto Nacional No. 1 di 17 di juli 2019, presenta pa di Minister di Desaroyo Teritorial, Infraestructura y Medio Ambiente, Otmar Oduber a ratifica e plan nobo pa Desaroyo Teritorial pa Aruba (ROP 2019).

Ultimo lunanan, riba encargo di Minister di Desaroyo Teritorial, Infraestructura y Medio Ambiente a sigui traha riba redaccion di un concepto p'e prome plan pa Desaroyo Teritorial cu Reglamentacion pa Aruba (cROPV 2019).

Por tuma nota di e Plan Preparatorio pa Desaroyo Teritorial cu Reglamentacion 2019 (cROPV 2019), e aplicacion di e Plan Preparatorio pa Desaroyo Teritorial cu Reglamentacion 2019 y mapa di e plan por medio di www.dip.aw

Por tuma nota di e Plan Preparatorio pa Desaroyo Teritorial cu Reglamentacion 2019 (cROPV 2019) tambe entrante awe 1 di october te cu 1 di december 2019 na oficina Direccion di Infraestructura en Planificacion (DIP), den sala di lesamento di tur MFA y tur filial di Biblioteca Nacional Aruba.

Di e forma aki, na un manera senciyu, un y tur por tuma nota di e plan. Tambe por download for di e website aki e documentonan referi na dje anteriormente ([cROPV 2019 nederlands.pdf](#)) 2019 ([cROPV 2019 toelichting met bijlages.pdf](#)) ([cROPV 2019 Plankaart.pdf](#)) y un foyeto ([cROPV 2019 brochure.pdf](#)).

INTERUPCION DI CORIENTE

En conexion cu trabaonan necesario, coriente lo wordo interumpi den vecindario di:

- Kas Ariba un parti
- Urataka un parti
- Macuarima un parti
- Warawara un parti
- Picaron
- San Fuego un parti
- Maria Maai un parti
- Parke National Arikok
- Zender di ANSA

Diahuebs 3 di oktober, 2019

FOR DI 8:00 AM PA 4:00 PM

Elmar ta pidi disculpa pa e inconveniencia cu e interupcion aki por causa.



Danki pa e comprension

523 7100 | customerservice@elmar.aw



Booshi Wever di UPP

E racha di gañamento ta sigui pa purba di hustifica e cambio di ley entorno Serlimar

DESPUES cu UPP for di siman pasa a cuestiona e intencion real di e cambio den e ley entorno Serlimar, nos por a tuma nota un hala di reaccionnan cu mester ser califica como hopi infantil y no al caso. Reaccionnan cu ta muestra cu na un forma selectivo ta laga e memoria traha y haci comosifuera cierto acontecimiento nunca no a sosode of cu nunca nan no tabata parti di esaki.

Asina nos por a tuma nota riba e declaracion di Otmar Oduber na unda e ta bisa cu e cambio den e ley aki, no tin nada di haber cu e incinerator! Con e individuo aki por sinta gaña asina ey?

Di berdad, e ta kere cu e ta omnipotente y cu niun hende lo por desenmascare den su mundo di mentira y fantasia. E ta kere cu ta tur hende, segun convinencia, lo tin memoria di corto duracion.

RIBAPAGINA2DIE ONCEPTODI LEY TA PONI TEXTUALMENTE:

c. “beheren en exploiteren van een plant waar afval, die bestemt is om te verbranden in een grote, gesloten VERBRANDINGSOVEN, in onvangst wordt genomen,”!!

Kico esey ta??? Wel un “grote, gesloten verbrandingsoven” ta un INCENIRATOR!!

E periodista no ta tuma su tempo pa averigua si e Minister ta papia berdad, pero ta acepta sin mas loke e Minister ta bisa. Con bin? E tambe ta riba payroll of ta haya propaganda den su programa?

Esey ta djis un ehempel di e avalancha di mentira cu e Minister a saca, segun Booshi Wever.

“Despues e ta saca su gal riba e hecho den pasado mi a yama e famia, cu awor e ta den clinch cu nan, pa “La Familia”. Porta e ta kere cu mi lo bay desmenti, manera e si ta haci ora e manipula, pero eynan e ta n’e adres robes. Sinembargo loke nos a scirbi kico e consecuencia lo ta p’e trahadornan cu ta traha n’e compania ey, ta un realidad.

Ni cuanto purba na desvia atencion, e lo no por scapa cu e rosea cayente di e hendenan ey ta den su nek. Hendenan cu e mes a yuda den su trayectoria ora cu e ta den AVPOR.

Algo hopi peculiar t’e hecho cu e ta haci mencion di Aruba Bunita NV y ta haci comosifuera cu e no tin arte ni parte den esaki. Con un hende por biba den un mundo di tanto mentira y tambe lubida cu e tabata un di nan hunto cu su amo Tico Croes tabata esnan cu kier a bin cu Aruba Bunita NV pa caba cu Serlimar!!

Y awor kier bin pretende di ta e gran salvador. Otmar hunto cu “partners in crime” 8 año largo a trata di caba cu Serlimar y e por purba di lolea otro hende, pero cerca nos e ta n’e adres robez. Pa casi 8 año e tambe a permiti Benny Sevinger, Mike de Meza y Alan Howell como nan consehero, trata na laga Serlimar “bloedt dood”.

Y manera nos a bisa caba, aki ta bay p’e veneno cu tin hinca den e ley, esta di garantis pa tur sushi ta bay “end up” n’e incinerator di un compania STRANHERO. Un incinerator cu lo no ta “environment friendly” y na unda cu den mundo ta juist purba na deshaci di nan. Desde 1997 ningun planta a habri mas na Merca.

Un otro cu a purba di desvia atencion t’e flamante Presidente di nos STEMPELPARLEMENT.

E por rabia cuanto cu e kier pero hecho ta keda cu Otmar a bolbe pasa nan un bofta.

Nos tur sa cu Otmar tin hopi pura p’e ley aki pasa, no solamente paso e kier keda cu su Serli-bank, pero mas bien ainda e kier p’e compania STRANHERO haya e MONOPOLIO riba e desperdicio cu Aruba ta produci. Y Otmar “doodleuk” ta bisa cu ta Parlamento a dune tiki tempo!! What a thing!

Haciendo esaki el a hunga Yo-Yo cu e Presidente y pa colmo bisa tambe cu E LO scoge cua pregunta e ta haya importante y cua no!! Ora bo tende e Presidente papia bo mester yega n’e conclusion cu berdad cu e mester di e oxigeno pa e sobrebibi. Kizas e tambe mester bay uza Oxy-plus!

Ora bo tende e Minister y e Presidente papia, na unda nan ta haci comosifuera cu no tin pura tampoco, pasobra nada di e incinerator ta ser regla den e ley aki, e ora bo mester puntra bo mes, dicon no ta laga loke tin di haber cu e incinerator y e Serli-Bank pa mas despues?

Claro cu esey lo no por!! Aki un paar siman e compania STRANHERO “handpicked” dor di e Minister via un “fixed-bidding” mester entrega nan “oferta”! Sin e siguranza aki den e ley, atrobe NIUN compania lo entrega nan oferta.

Si e Presidente no kier pa nos usa e palabra STEMPELPARLEMENT, bin cu cambio den e ley cu lo no bay privilegia e compania STRANHERO, ni tampoco e Serli-Bank! Demuestra cu enberdad nos tin un Parlamento otro y diferente, sino esaki lo keda un STEMPELPARLEMENT!”, Booshi Wever a conclui.

Deal or Wheel; The Casino at The Ritz-Carlton, Aruba ta anuncia un extra opcion den su campaña pa gana e Super Auto

Gana e Ferrari 488 Spider of \$250,000 cash!

The Casino at The Ritz-Carlton, Aruba a sorprende henter pueblo di Aruba ora nan a anuncia cu lo brinda un extra opcion den nan campaña pa gana e super auto: Gana e Ferrari 488 Spider of \$250,000 Cash! Bo ta haya e opcion pa 'Deal or Wheel'.

Na januari 2019 The Casino at The Ritz-Carlton, Aruba a marca historia ora nan a lansa e tremendo campaña unda nan ta rifa un Ferrari 488 Spider. Esaki t'e prome biaha den Caribe cu un casino ta trece un auto di e caliber aki y unda ta ofrece tur e bishitantenan di The Casino at The Ritz-Carlton, Aruba e oportunidad pa gana e auto unico aki of awor e opcion di e suma di \$250,000 cash.

Tur e bishitantenan di The Casino at The Ritz-Carlton, Aruba por participa dor di ta miembro of bira miembro di e VIP Club. Pa cada 80 punto acumula riba slot machines of \$40 den theoretical win na weganan di mesa lo bo ricibi un ticket di rifa. Durante dianan di siman tin diferente promocionnan pa bo acumula punto mas lihe manera Double the Points y tambe bo tin e oportunidad di gana premionan cash y mas tickets pa e final di 'Deal or Wheel' cu e Mega Friday Frenzy y Mega Saturday's.

Lo selecta un total di 20 finalista di cual 15 finalista lo wordo selecta for di e raffle box dia 31 di october, dia 30 di november y dia 14 di december. E otro 4 finalistanan lo wordo selecta via un promocion special pa e Top Players di e lunanan di october y november.

E ultimo finalista lo wordo selecta via un promocion extra special unda tur e VIP members por participa. E promocion aki lo wordo anuncia den luna di november.

E ganador di e tremendo Ferrari 488 Spider of \$250,000 cash lo wordo selecta dia 14 di december cuminsando pa 9or di anochi na The Casino at The Ritz-Carlton, Aruba.

E bishitantenan di The Casino at The Ritz-Carlton, Aruba ta super entusiasma pa cu e campaña aki, mirando cu nan tin e oportunidad pa gana un auto luhoso y unico of \$250,000 cash.

The Casino at The Ritz-Carlton, Aruba ta sumamente orguyoso di por sigui trece promocionnan inovativo, brinda servicio di alta calidad y ta garantisa un experiencia unico.

Tambe The Casino at The Ritz-Carlton, Aruba ta ofrece un di e mihor Tier Program riba e isla unda nan clientenan fiel por goza di beneficiacionan exclusivo.

Pa mas informacion tocante con pa participa pa gana e Ferrari 488 Spider of \$250,000 cash, por bishita The Casino at The Ritz-Carlton, Aruba su VIP Desk of por yama na 527-2276/ 527-2277 y nan lo asisti cu tur detayenan di con pa participa y GANA.

ARUBA'S MOST REWARDING CASINO EXPERIENCE

\$250,000 DEAL OR WHEEL

December 14, 2019 | Starting at 9PM

ARE YOU THE NEXT WINNER?

Receive one (1) raffle ticket for every eighty (80) points on slot machines/\$40 theoretical win

SELECTING 20 FINALISTS FOR THE DRAWING

<p style="font-size: 2em; color: gold;">1</p> <p style="color: gold;">RAFFLE BOX 15 FINALISTS</p> <p style="font-size: small; color: white;">OCTOBER 31 NOVEMBER 30 DECEMBER 14</p>	<p style="font-size: 2em; color: gold;">2</p> <p style="color: gold;">TOP PLAYER POINTS RACE 4 FINALISTS</p> <p style="font-size: small; color: white;">OCTOBER 31 NOVEMBER 30</p>	<p style="font-size: 2em; color: gold;">3</p> <p style="color: gold;">GOLDEN TICKET 1 FINALIST</p> <p style="font-size: small; color: white;">NOVEMBER 23 TO DECEMBER 7</p>
---	--	---

Selecting one (1) lucky winner of the Super Car or \$250,000 Cash!

THE CASINO

AT THE RITZ-CARLTON, ARUBA

Must be over the age of 18 years. The Casino at The Ritz Carlton, Aruba encourages Responsible Gaming.

Pareha turista a accidenta cu Quadramer den bocht na Casibari



DIALUNA atardi tabata uno bastante druk pa Polis. Den oranan di 4'or Polis y ambulance a ser pidi altura di Centro Kibrahacha na Casibari. Eynan un pareha riba Quadramer a accidenta.

Na yegada di Polis, nan a bin topa cu e accidente, esaki tabata net den e bocht.

Posiblemente pa falta di conocimiento, nan a perde control den e bocht y cay.

E dama a dal su curpa na pida hero di un trailer y tabata keha di basta dolor, su pareha tambe tabata herida y cu dolor.

Paramediconan na yega mesora a cuminsa trata e dama cu tabata esun mas serio. Un rato despues cu masha cuidou a lanta e dama pone riba stretcher y despues hinke den ambulance.

Na final ambos persona a ser hiba pa Hospital.

Training pa encuestadornan pa Censo Piloto



Oficina Central di Estadistica (CBS) ta organisando un Censo Piloto cu lo cuminsa e siman aki dia 3 di october te cu 13 di october 2019. Esaki en conexion cu preparacionnan pa cu e Conteo General di Poblacion y Vivienda (Censo Aruba 2020) cu lo tuma lugar entre 1 di october te cu 10 di october 2020.

Durante fin di siman 28 y 29 di september 2019 a tuma lugar e training p'e encuestadornan pa cu e Censo Piloto. Riba e prome dia a trata diferente aspecto pa cu e Censo Piloto, p.e.: Defnicionan, proceduranan y e cuestionario digital.


Riba e di dos dia a trata e parti tecnico na unda e encuestadornan a haya un training di con pa anda cu e tablet y con pa yena e cuestionario digital.

Tambe a splica e proceduranan di registracion di e cuestionarionan cu wordo completa y tambe e registracion digital di e material cu lo wordo usa durante di e Censo Piloto.

Diarazon proximo dia 2 di october, tur encuestador lo ricibi e material di conteo y lo firma nan contracto digital pa sigura tambe cu nan ta tene nan mes na ley cu ta trata e anonimidad di e informacion adkiri durante di e Censo Piloto. Tur encuestador lo ricibi un t-shirt cu e logo di e Censo Piloto y un badge di CBS pa nan por indentifica nan mes. Si tin cualkier pregunta por haci esaki libremente na telefon 524-7433 of via nos e-mail adresnan: cbs@setarnet.aw of census2020@cbs.aw
Censo 2020: Pasobra Aruba ta conta riba bo!

Dilanti DTI na Barcadera

Accidente serio entre truck y un Kia Rio



DIALUNA merdia pa mas o menos 3'or Polis y tambe ambulance a wordo notifica di un accidente serio dilanti DTI na Barcadera.

E prome informacion a papia di accidente frontal entre un Kia Rio y un truck di ATCO.

Segun nos a compronde e dama na stuur di e Kia Rio tabata bayendo direccion Barcadera y yegando DTI el a bay lora na su man robes.

Posiblemente e no a pone atencion riba e un truck di e compania ATCO tabata pasando.

Esaki a causa cu e truck a dal contra e Kia y lastre. Tire di truck lo a pega n'e Kia Rio durante e impacto y esaki a causa cu el a lastra e Kia pa algun meter.

Den e Kia tabata un dama cu un mucha. Varios unidad di ambulance a presenta n'e sitio pa trata cu heridonan. Na final danki Dios no tabatin hende herida. Mas tanto nan a pasa den un enorme susto.

Pareha stranhero deteni diadomingo anochi na Calbas



DIADOMINGO anochi pa mas o menos 10'or, patruya di Noord a efectua dos detencion. Durante patruya na altura di e skol na Kudawecha, nan a spot un auto color cora.

Ora cu e auto lo a ripara cu ta Polis a trata di move di e lugar liher.

Polisnan cu no a confia e situacion a bay su tras. E auto cora a bay staciona dilanti un cas pariba di e supermercado eybanda.

Agentenan a acerca e auto, unda a topa cu pareha stranhero. Lamentablemente ora Polis a puntra nan pa nan documentonan, ningun no por a muestra esaki.

A splica nan ariba nan derecho y a bay over na detene e pareha. Transportwagen a ser pidi pa hiba nan warda, unda despues lo pasa nan over pa Guarda Nos Costa. Eynan lo sigui cu e control di nan papelnan, esey ta si nan tin of no.

Polis a interveni den problema di placa

DIADOMINGO anochi 10'or, Polis a ser pidi na Sabana Liber pa un problema. Na yegada Polis a ser informa cu ta un cuestion di placa.

Eynan Polis a scucha ambos banda y a spli-ca nan e caminda pa cana. Polis a evita un problema cu por a escala.



1 Di october 2019, Dia di Hende Grandi

AWE, dia 1 di october ta motivo di celebra na grandi pa duna e adultonan mayor e balor berdadero cu nan tin pa nan famia, nan amigonan y p'e comunidad Arubano.

Un comunidad cu nan a yuda crea cu e trabounan duro cu nan a eherce durante tur e añanan cu a pasa. E fase cu nos grandinan a yega ta uno di biba mas den un bida sin preocupacion y necesidad, despues di a contribui asina tanto aña na su comunidad.

Laga nos tur haci lo maximo p'e adultonan mayor por biba den un mundo husto y yen di harmonia. Laga nos honra nan awe y semper, dunando nan e atencion y e respet cu nan merece. Ban scucha nan, siña di nan y comprende nan.

E comunidad Arubano ta un comunidad cu ta respeta e derechonan di e ser humano y esey ta haci cu nos tur tin e obligacion di exigí pa protega e derecho di nos hendenan, mas aun, e derecho di nos grandinan.



Pa OPPA, e adulto mayor ta un simbolo di status, prestigio y un fuente di sabiduria y experiencia. Directiva di OPPA ta desea tur adulto mayor un feliz dia di hende grandi y muy en especial tur su miembronan.

Ban brinda nos grandinan e bida cu nan merece, un bida yen di amor, felicidad y beneficio.

**SINTONISA TUR MERDIA,
RADIO GALACTICA 99.9
PA SCUCHA NOTICIA PRESENTA PA**

VICTOR (TOKO) WINKLAAR,
ALEXA WERLEMAN Y SIMON ARENDS.

DN
Den Noticia

GFM
99.9


Dama basta altera deteni na bar na Santa Cruz

DIADOMINGO anochi Polis a bay e bar situa cerca di e Botica na Santa Cruz, eynan un dama lo tabata herida.

Na yegada di Polis nan a haya e dama parti pafo, y por a constata algun rasca chikito. Agentenan a constata tambe cu e dama tabata hopi altera.

Segun informacion n'e sitio, parse cu e dama pa un of otro motibo lo a haya den problema y kier a agredi otro hende prome. Pero na final e mes a resulta herida.

Pa evita mas problema e anochi ey Polis a detene e dama y hibe Warda p'e calma.



Problema di famia na Zeewijk a caba na un persona deteni



DIADOMINGO anochi den careda di 9'or, Polis a bay un adres na Zeewijk, pa un problema di famia cu a sali for di man.

Na yegada, Polisnan a wordo informa di un ke otro cu a sosode. Segun nos a compronde un ruman homber lo a dal su ruman muher.

Y tabata p'e motibo aki a pidi presencia di Polis. Despues di algun rato a manda Transportwagen unda a detene e homber y hibe Warda di Polis na San Nicolas.

Suzuki a dal contra un trailer na Tanki Leendert



DIADOMINGO anochi pa mas o menos 8'or Polis a bay Tanki Leendert na altura di un restaurant pa un dalmento.

Na yegada, Polis a topa cu un Nissan Pathfinder color blau y un Suzuki Alto. A resulta cu e Suzuki Alto a bay lora y a dal contra e trailer (aanhangwagen) cu e Nissan Pathfinder tabata lastrando.

Segun informacion e trailer no tabatin iluminacion. Tanto e Suzuki y e trailer a haya daño. No tabatin hende herida den e dalmento aki.



Dama haya inconciente ariba vloer den area di Bus Halte na Playa




DIADOMINGO anochi pa mas o menos 7:45 Polis a bay na altura di e edificio di Aruba Trading situa den Weststraat, unda lo tin un dama riba vloer for di tino.

Na yegada di Polis y ambulance mesora a cuminsa atende cu e caso y busca mas informacion posibel. Mientrastanto Paramediconan a cuminsa controla e dama y trata na wak si e ta bin bij.

Polis a papia cu dos homber n'e sitio kendenan lo t'esnan cu a haya e dama abou benta. Parse na nan turno nan a avisa un security den cercania y esaki a avisa autoridad.

Kico a pasa e dama no ta conoci y/of si e hombernan tin algo di haber. Polis a tuma dato di e hombernan, mientras ambulance a bay direccion Hospital cu e dama.



AVP:

Feria di cuminda multicultural un exito rotundo



DIADOMINGO durante dia a tuma lugar evento organisa pa Partido AVP caminda a ofrece diferente plato di cuminda di difefente cultura.

Un multitud a yega for di tempran na Cas di Partido Playa y te cu oranan di atardi ainda tabatin ambiente bon anima caminda sostenedornan di partido a yega hunto p'asina disfruta di e sabroso platonan.

Exitoso y den bon esfera tur presente por a sinti e energia positivo cu partido AVP a pone awe den su evento.



Natalie Neira Velasquez y Patrick C. Vrolijk a gana premio BONUS cu MegaHUNTER Car Rally di Aruba Bank

EN conexion cu Aruba Bank su di 15 edicion di e gran campaña di auto anual, esta MEGA Car Sale event, Aruba Bank a organisa e MegaHUNTER Car Rally y a conta cu hopi participacion.

E resultado di e Car Rally tabata exitoso, unda cu 3 diasabra comunidad por a participa na Car Rally disena como un experiencia unico pa tur cu a participa. Ademas di e experiencia, tambe e participante por a gana diferente premio fabuloso pa cada localidad di cu nan a descubri.

Ariba cada diasabra, a organisa diferente ruta y participantenan a descubri diferente punto rond di Aruba, incluso a incorpora localidad di e diferente car dealerships y motorcycle dealerships rond di nos isla.

Entre clientenan cu a ambos, aplica pa un auto nobo cu e deal di MegaHUNTER, y tambe a participa na e MegaHUNTER Car Rally, a rifa dos (2) Premio Bonus. Un total di 6 participante a clasifica p'e premio grandi aki. E Premio Bonus tabata cu un total di 3 localidad logra di e MegaHUNTER Car Rally y cu MEGA car loan aproba, automaticamente e participante a haya un entrada pa por gana un di e premionan aki.

Den compania di miembronan di prensa y hunto cu e 6 participantenan pa e Premio Bonus, y den un ambiente di alegria Aruba Bank a saca e ganadonan. A haci esaki na momento cu cada participante a habri un mini cooler di Aruba Bank, y di e forma aki cada un di nan a revela nan premio. Pa cada premio grandi a saca 1 ganado.

Natalie Neira Velasquez a resulta e ganadora di e prome premio grandi di Aruba Bank, cual ta 1 año di seguro di auto paga y 0.5% adicional di descuento ariba su interes di su prestamo di auto nobo cu e campaña di MegaHUNTER. E di 2 premio grandi a ser gana door di Patrick C. Vrolijk, kende a gana entre otro un voucher di gasolin na balor di AWG 500,-, placa number pa año 2020 full paga y e ganado tambe lo



skip 1 luna di su pago di su car loan di su auto nobo.

Danki na tur cliente cu a aplica na e MegaHUNTER Car Campaign, y tambe na tur persona cu a participa den nos MegaHUNTER Car Rally, pa haci e campaña aki uno exitoso.

Gana un Ford Figo nobo pa un bon causa

Aporta na e rifa di Casa Cuna powered by Mustang Sport Boys y Yrausquin

YRAUSQUIN, dealer di auto y compania di famia pa mas cu 66 aña na Aruba, ta orgulloso di ta e patrocinador principal di e premio mayor di e rifa organisa door di e Mustang Sport Boys, e Ford Figo sedan 2019.

Sander Leijenaar, presidente di Mustang Sport Boys Club a aserka Ruben Yrausquin, director general di Yrausquin, pa juda contribui y hunto a logra di ofrece e Ford Figo nobo como e premio mayor. Mustang Sport Boys lo organisa un Car Show riba diasabra 26 di October for di 7 or di anochi te cu 12 or di marduga na Linear Park unda lo saka e ganadornan. Lo tin música en bibo di Rincon Boysz, Tsunami, Buleria, Jeon, Vibes y NutzBeatz.

Lo tin seis premionan: Prome premio ta e Ford Figo 2019 nobo, di dos premio ta un round trip flight na Miami pa dos persona, tercer premio ta weekend stay na Marriott Aruba Surf Club, di cuater premio ta un weekend stay na Hilton Aruba Caribbean Resort & Casino, di cinco premio ta un Smart TV 58" y di seis premio ta un certificado di regalo na balor di 750 florin di Superfood. E ganadornan lo wordo saka durante e Carshow dia 26 di october den presencia di notaris Yarzagaray pa 11 or di anochi.

“Como un compañía di famia, un di nos balornan fundamental ta



famia. Nos ta kere firmemente cu tur mucha merece pa lanta den un ambiente stabiel y ricibi apoyo positivo den nan crianza y educación. Pesey nos ta sumamente orgulloso di ta patrocinador principal di e rifa pa recauda fondo pa Casa Cuna”, Christina Yrausquin, gerente di benta di Yrausquin, ta expresa.

Ban apoya e bon causa aki. E ticket ta costa solamente 10 florin pa un. E buki di rifa lo ta disponibel na Yrausquin y Casa Cuna pa esnan interesa pa cumpra ticket. Tambe

por aserka e miembronan di Mustang Sport Boys Club. Por haci donación tambe via Aruba Bank Account# 6000090290 di Mustang Sport Boys pa aporta na e causa di Casa Cuna.

Durante e ultimo tres weekend di october e miembornan di Mustang Sport Boys lo ta na Linear Park entre 4 or di atardi te cu 7 or di anochi pa bende rifa. Pa mas informashon por subi riba e Facebook pagina <https://www.facebook.com/mustangsportboysaruba/>.

Ladron di dos airco deteni despues di persecucion



DIALUNA algo pasa di 3'or di merdia Polis a start un persecucion tras di un Mitsubishi Lancer cu hood preto.

E motibo di e persecucion tabata cu testigonan lo a avisa Polis cu e persona den e auto aki lo a horta dos airco na un cas na Safir.

Aki ta papia di un persecucion basta largo, unda cu esaki a bay termina na Mahuma, cerca di e cura di aeropuerto. Ta pensa cu e ladron tabata direccion Cas Paloma/Simeon Antonio.

Eynan el a wordo blokia y baha for di e auto y deteni. Transportwagen a yega y a hibe Warda di Polis, unda el a keda deteni.

FIESTA DI SANTA THERESITA DI NIÑO HESUS

PATRONA DI PAROKIA DI SAN NICOLAS

“Ora mi bai cielo, lo mi manda un yobida di rosanan na tera.”



“No perde ningun oportunidad di haci sacrificianan chikito, ofreciendo aki aya un sonrisa, y un palabra di cariño; semper hacienda bon den tur cos chikito y haciendo tur esey cu amor.”

“E FLOR CHIKITO”

Pastoornan Rey Nares y Rafy Cananeo di Parokia Sta. Theresita di Niño Hesus di San Nicolas ta cordialmente invita tur parokiano, deboto y Pueblo di Aruba en general pa asisti na e gran Fiesta Patronal diamars dia 1 di oktober.

E gran dia aki di nos Patrona ta cuminsa cu un procesion saliendo for di Carnival Village pa 6 pm acompaña cu musica y resando Santo Rosario, bayendo direccion pa misa Sta. Theresita di Niño Hesus cu a wordo renoba parti paden, na unda lo tin un Santo Sacrificio di Misa concelebra pa 7 pm presidi pa nos Obispo Luis Antonio Secco.

Ban nos tur hunto uni den oracion como un gran famia pa celebra e Fiesta di nos Patrona Sta. Theresita di Niño Hesus.

E tabatin complice Venezolano

Hues a ordena pa cera atracado burdugo strañero mesora den prizon

WILLEMSTAD. Pa hues ordena cu ta cue un sospechoso cu presenta den sala di corte inmediatamente cera, esta dal e sospechoso aki su mannan den bui y transport'e pa SDKK, ta pasobra e persona a haci algo hopi robes.

Esaki sin duda tabata e caso cu Alfonso Creque di 31 año di edad, kende tabata den sala di corte diabierna ultimo acusa di un atraco masha cruel y violento mes. Alfonso Creque ta naci na Santo Domingo y ta acusa di a atraca dos persona, plùs a haci su mes culpabel na intento di asesinato.

Esnan cu a keda atraca yama James y Colastica. Esey a sosode dia 1 di juni 2018 na Caracasbaai. Dos atracado tabata meti den e atraco aki, esta Alfonso Creque y un homber venezolano.

Debi cu e investigacion a dura, pendiente di resultado di investigacion di DNA for di NFI aya na Hulanda, a laga Alfonso Creque temporalmente den libertat. Alfonso Creque francamente bisa ta esun cu a comporta casi manera un burdugo.

Ela bati e duo aki, esta un hende homber (James) y e hende muhe (Colastica) mal bati y kita nan propiedad for di nan, esta telefon mobil y potmoni. James y Colastica tabata na e sitio sinta riba banki den oranan di anochi na e playa ta disfruta di naturalesa.

Cu caranan tapa Alfonso Creque y su complice Venezolano a enfrenta e pareha. Loke Alfonso Creque a



aplica ta puramente e metodo di tortura.

Para dilanti di James el a grita esaki bis'e cu e mester entrega placa lihe y cada biaha cu den bista di Creque a parce cu ta tardando di mas, el a puñala James, hink'e cu cuchu den pia.

Asina ey a sosode cu 4 biaha en total el a hinca James. Test di DNA a proba cu e sanger cu a spaart y cu a haña riba sapato y paña di Alfonso Creque ta coreponde cu esun di e victima James.

Tambe e malechornan a agredi señora Colastica cu wanta y cu cabu di pistol, kita e telefon for di dje cu en realidad ta pertenese na esaki su tata. Berdaderamente teribel y sin consideracion ta e hecho cu a hisa un di e victimanan (James) benta den bahul di auto.

Fiscal a pidi 5 año preso p'e

Atracado burdugo a caba di sali prizon comete atraco masha violento

WILLEMSTAD. Den caso dje atracado burdugo dominicano Alfonso Creque cu hues a ordena pa bay cera mesora diabierna ultimo, t'asina cu polisnan a logra gara Alfonso Creque no mucho leu for di e sitio.

Durante tratamiento di e caso den sala di corte, e acusado Alfonso Creque a reconoce cu el a agredi e victimanan, kendenan mes tabat'ey of tabata representa den sala di corte pa exige daño y perwisio.

Alfonso Creque ta un figura cu no kier siña, el a caba

di sali prizon pa otro acto castigabel resien comete, esta 'skimming' na bancomatico, hunto cu algon strañero. Hues señora mr. G. Edelenbos a bay di acuerdo cu un parti di e sumanan demanda na daño y perwisio.

Alfonso Creque a resulta un firstoffender pa atraco, pero e latino di abla spaño cu hunto cu Creque a comete e acto castigabel polisnan no a logra gara ainda.

Fiscal señora mr. Clarelli Hato Willems na nomber di Ministerio Publico a demanda un castigo di prizon di 5 año pa Alfonso Creque, anto mirando esaki su mentalidad super cruel a pidi pa mesora detene y hiba SDKK, cual peticion hues a honra tambe. Ke men cu Alfonso Creque di sala di corte a sigui direct pa prizon SDKK.

Kitando pan di 30 mama y tata

Banco Central kier likida banco Orinoco pa capricho

WILLEMSTAD. Un grupo di 30 cabes di famia ta core risico di perde nan entrada di cada luna despues cu Banco Central di Corsou a interveni e banco y a tuma tur su responsabilidad over pa awor informa e empleadonan cu nan no por paga nan salario.

Relatonan di corte di husticia na Corsou ta indica cu den gerencia di Banco Central di Corsou y Sint Maarten tin elemento cu sin importa cu nan accion ta haci daño directo na trahadonan Curasoleño a indica cu no kier e banco na Corsou y pa facilita logro di nan meta, kier pasa guiotin den e grupo di empleadonan.

Dia 5 di september e duo cu a keda asigna pa masha e trahadonan, Jose Jardim y Calvin Kleyst a tuma maneho dje banco over y dia 27 di september a informa e trahadonan cu nan no por paga nan salario. Esaki y apesar cu representantenan dje banco den Corte a muestra hues cu e banco tin reserva financiero pa cumpli cu su obligacionnan pa cu e personal y nan clientenan.

Awor e duo Jardim y Kleyst a manda invita e personal di Banco de Orinoco pa un reunion general pa diabierna 4 di october proximo y a informa nan cu Banco Central no por paga nan salario e luna aki.

Cu e paso aki Banco Central ta cumprando e risico di hañ'e involvi den un conflicto di arbitrahe internacional pasobra nan a "shoot first and ask later" si e banco tin capital deposita y inverti otro caminda.

Cu e paso prematuro aki cu representantenan di Banco del Orinoco a bringa den Corte pero caminda cu e hues dje caso no a tene cuenta cu e cuadro grandi di bienestar dje trahadonan pero a bay estrictamente riba aspectonan tecnico y apesar cu a demostra cu e banco tin fondo pa paga e salarionan.

Pagando e salarionan ainda e banco ta keda cu un surplus di mey mion dollar.

SHOOT FIRST ASK LATER

Den vercion moderno di bandoleronan di Wild Huest, e gerentenan dje banco pa medio di Jardim y Kleyst kendenan ta gana salarionan den careda di 30 pa 50 mil florin pa luna – unabes cu revelacion di salario a bira moda awendia -, na luga di a caba di averigua unda inversion dje clientenan ta deposita, a core tuma e paso y no por paga e trahadonan, den nan intencion pa likida e banco.

Esey ta sin tene cuenta cu e señal fatal cu nan ta man-

dando pa imbercionistanan cu leynan na Corsou ta permiti pa confisca capital di inversionista sin cu nan tin instrumento pa evita esaki.

Banco di Orinoco tin deposito di propiedad y capital serca e instituto financiero cuiso Vistra cu ta un instituto di reputacion inmaculada cu si Banco di Orinoco no ta limpi, lo no a tuma nan como cliente.

Banco Central awor desesperadamente ta buscando confirmacion dje deposito y inversionnan di Banco di Orinoco serca sr. Kirszbaum Bertrand di Vistra Geneva.

ARBITRAHE INTERNACIONAL

Dia 26 di september ultimo, Victor Vargas Yrausquin a manda un carta pa e Minister di Relacionnan Exterior di Hulanda, Stef Blok y pa Minister di financa di Corsou Kenneth Gijsbertha caminda nan ta adverti cu nan lo cuminsa un caso di arbitrahe internacional contra gobierno di Corsou y Banco Central pa e accion irasonabel y discriminatorio contra di e banco.

Bisa na bon papiamento, no ta pasobra gobierno di Corsou pa medio di premier Rhuggenaath a declara di ta contra Venezuela y presidente Maduro, mester considera inversionista venezolano como pariah.

Nan ta tene Corsou responsabel pa medida irasonabel y discriminatorio contra e banco for di aña pasa bin ariba.

E medidanan aki a afekta e inversionnan dje banco considerablemente na Corsou a rason di mil mion dollar.

Ademas di esey Banco Central a manda instruccion ilegal pa Banco di Orinoco.

Tin un tratado entre Venezuela y Reino Hulandes cu ta prohibi e intervencionnan manera Banco Central a haci y e doñonan di Banco del Orinoco y a informa tur autoridad competente cu nan lo haci dje oferta di Hulanda pa intermedia den e caso aki.

Copia dje carta a bay pa Bob Traa, presidente interino dje banco, Etienne Ys presidente di Hunta di Supervision y e banco mes.

Ta di mas bisa cu e suceso aki lo ta un sla pa Corsou ora cu futuro inversionistanan tuma nota con Banco Central ta actua di un manera parotin cu interes di un instituto bancario internacional manera Banco de Orinoco y lo no pensa mes di stablece un activida asina'ki na Corsou.

Margareth a hañ'e den hopi problema y hues a tene cuenta cune

WILLEMSTAD. Durante tratamento di su caso diabierna ultimo den sala di corte a resalta cu e ciudadano Margareth di 37 aña di edad y mama di algun yiu ta un hende cu a hañ'e cu hopi problema riba su caminda.

Abogadonan mr. H.S Johannes y mr. H.M Alejandra a defende e señora cu ta acusa di maltrato y destruccion di su ex compañero di bida Selassa.

Maltrato di señor Selassa tabata na september 2018, pero tambe maltrato di señora Vivas na luna di october 2018 y tambe destruccion di un vehiculo. Señor Selassa ta e ex di Margareth H., kende a forma un relacion cu señora Vivas, loke a haci Margareth H. casi loco di manera cu el a dicidi di agredi e duo.

Den sala di corte e acusado a trese padilanti cu e tin un relacion di mas cu 14 aña cu Selassa y ta p'esey e no por soporta cu e persona aki a bira lomba pe pa sigui cu Vivas.

Pero ta parse cu entre tanto Margareth H y Selassa a drecha nan relacion, como tal nan ta hunto atrobe, asina ey a bini padilanti den sala di corte.

Hecho ta cu señora Vivas direpente a confronda cu Margareth para su dilanti na e cas caminda e ta biba, caminda Margareth den su rabia a destrui porta di e auto y a rank'e na su garganta.

Pero segun Margareth señor Selassa a bira lomba pa Vivas tambe. Un punto favorabel pa Margareth ta cu Vivas no a exige daño y perwisio pa e destruccion comete.

DEBE DI MAS CU 100.000 FLORIN

Mas despues segun tratamento di e caso a sali na cla cu Margareth ta un persona cu ta adicto na gembelmento den casino y asina ey a hinca su mes den prob-



lemanan financiero grandi cu sumanan cu ta monta alrededor di 100.000 florin na debe.

Un señora profesional di Reclassing a haci tur posibil pa yega na un arreglo di pago pa Margareth H, pero netamente pasobra e persona aki a expresa un poco skerpi versus di Margareth H. esaki no a keda masha contento y asina ey a crea distancia cu e profesional.

Punto ta cu mester a pone Margareth bou di curatela y cera sierto areglonan pa atende e debenan.

A sali tambe na cla cu e acusado ta rabia lihe y bira agresivo.

Reclassing mester duna guia, anto ademas mester duna tratamento tanto sicologico como pedagogico y cu medicamento. Hues señora mr Edelenbos a conclui cu aki sigur no ta trata di un ciudadano asina facil.

Intervencion di FMA pa siña y guia Margareth kita for di su debenan ta n alternativa .

Ta parse cu Margareth ta hañando sosten di un homber di confiansa. Hues a bisa Margareth cu e ta hopi robes pa inclui su yiunan den problemanan entre mayornan.

Ricibi Awemainta tur dia den bo Inbox

Registra awo!
Manda bo e-mail na noticia@awemainta.com

GRATIS

Awor si mester yega na un solucion

Pencionadonan di Sehos kier nan paga nan prome cu Sehos stop di existi!!

WILLEMSTAD. Durante siman cu a pasa comicion pencionadonan Sehos a publica diferente documentonan y duna declaracionnan riba desaroyonan entorno e disputa entre pencionadonan, trahadonan y Sehos.

E comicion a tuma nota di declaracionnan di presidente di CBV entorno sennan cu Sehos a retene y no a keda deposita caminda nan mester a bay.

Nos no a mira cu CBV a menciona cu entre otro Sehos no a deposita primanan na Ennia cu a pone cu Ennia no por cumpli cu areglonan den nos areglo di pencioen. Esaki ta encera cu dor cu Sehos no a deposita primanan na Ennia esaki no por cumpli cu e areglo cu ta bisa cu Ennia mester uza e ‘overschot’ di primanan di pencioen pa drecha pencioen di trahadonan y pencionadonan.

Lastimamente cu CBV no a menciona cu pencionadonan tambe ta ser perhudica dor di Sehos.

Tin pencionadonan cu tambe ta miembro di CBV y nan mester por spera cu CBV ta vosifera pa nan tambe. Locual no a sosode.

Comicion pencionadonan a manda carta caba pa gerente di Ennia riba e topico aki. Nan ta wardando contesta di Ennia pa wak con pa resolve e particularidad aki. Nos a menciona den e carta cu esaki ta tanto na interes di pencionadonan como trahadonan, miembro of no di CBV.

Banda di esaki tambe t’asina cu Sehos ta pagando pencionadonan 4,5% di nan entrada.

Comicion pencionado ta propone pa yega na un areglo cu Sehos pa paga un ‘lumpsum’ den sentido di un ‘afcoopregeling’ prome cu Sehos stop di existi.

E comicion a aserca ministernan Kenneth Gijsbertha y Suzanne Camelia –Römer, dor di intermedia pa pone nos comicion, CBV y Sehos na mesa pa por yega na un solucion pa cu e disputanan cu ta andando.

Tratamento di caso di caso di extorcion criminal pospone te 27 di december

WILLEMSTAD. E homber Alhassan tin 22 aña di edad a presenta diabierna ultimo dilanti di hues y tabatin abogado mr. Engels pa su defensa.

E ta acusa cu dia 6 di april 2019 el a haci un intento di extorcion, anto e tin otro caso di extorcion real comete riba su nomber, pero esey tabata na october 2018. Fiscal mr. Altagracia Martis na nomber di Ministerio Publico a trese e acusacionnan padilanti.

Den e fase aki a constata cu tin algun asunto hopi importante pa keda investiga ainda. Pa cuminsa autoridadnan kier analisa dadonan riba Alhassan D su telefon. Tambe kier scucha un persona di fam Nicolina y finalmente kier tin claridad si Alhassan D. tin vinculo cu e gang criminal cu yama “Army”.



Enfin, hues senora Edelenbos, fiscal mr. Altagracia Martis y abogado mr. Engels a bay di acuerdo pa wanta tratamento di e caso aki te dia 27 di december binidero, sperando cu lo tin claridad suficiente riba tur e puntonan ariba menciona.

No ta excluí buki cu esenario Boneriano

'E Cuebanan Scur'; buki di Yolanda Croes



KRALENDIJK -- Yolanda Croes, bon conocí den década setenta pa ochenta na Bonaire, a publicá su di dos buki pa mucha, titulá 'E Cuebanan Scur'.

Siman pasá Yolanda a bishitá Extra y FuHiKuBo pa entregá un ehemplar di e buki aki na Bòi Antoin. E buki ta di dos den e seri di 'Didi i su gang'.

E liña di e storia... Hungando den curá di nan madushi (wela), Didi y su gang ta topa cu un entrada mágico pa un otro mundo.

Leu den tera, e muchanan ta haña nan mes ta usa nan propio inteligencia y talentonan special pa sobreviví. Y pa wak si nan por salba nan amigonan nobo di un enemigo mortal... promé cu nan mundo caba.

Yolanda Croes a splica cu e tema di e buki aki t'e celebra BOA cu a plama na Aruba y bira un menasa grandi pa naturalesa, pa otro animalnan indígeno, manera conèchi, shoko, yuana, prikichi y otro parhanan.

E buki ta bunita ilustrá pa p'e artista di decendencia Boneriano Armando Goedgedrag. Interesante ta cu un nieto di Yolanda, Izi, ta representá den un di e personahenan den e buki (Ziki).

Autor Yolanda Croes a publicá te cu awor 4 buki, di cua dos pa mucha. Su dos bukinan pa adulto, esun promé tocante e accidente cu un avion di Avia Air cu a Sali di Aruba na Venezuela y e di dos titulá: 'E fucu di e piedra pretonan' a resultá 'bestseller'.

Segun Yolanda, riba pregunta di Extra, no ta excluí cu e lo scirbi tambe un buki cu esenario Boneriano, isla na unda el a pasa parti di su bida.

Den e foto por mira, Yolanda Croes entregando su buki na Bòi Antoin di Extra. Mei-mei pará su nieto Izi, cu ta figurá den e buki como Ziki.

Royal Aurora Funeral Home & Crematory

Gradicimento

Sra. Stella Merryweather-Broekman y famia kier a gradicir tur esnan cu na un manera of otro a duna nos sosten y consuelo durante e tempo dificil cu e fayecimento y despedida di nos defunto stima:



John W. Merryweather

Tambe un danki especial na Cas di Cuido BETESDA y su Club stima e famia RCA PA BIDA, Aurora Funeral Home pa e bon servicio.

Royal Aurora Funeral Home & Crematory

GRADICIMENTO/ INVITACION

Na number di Sra. Ulrica, rumannan y demas famia ta gradicifamianan, bisina, amigo y conocirnan pa nan sostendunadurante enfermedad, namomento di fayecimento y entierro di nos defunto stima



Alfonso "Boei" Krozendijk

Un gradicimento especial pa Dr. Selene Kock pa e bon cuido y atencion pa cu e defunto y famia.

Un danki na Dr. Schwengle y Dr. Becker y tur zuster di 4-y piso B pa nan bon cuido.

Dankina tur cu a manda flor, whatsapp, email, message, tambe pa tur yamada, esakinantwtun gran consuelo pa nos.

Un danki na Aurora Funeral Home pa nan bon servicio.

Boso atencion y sosten ta hopi aprecia.

Nos ta invitabosopa 3 Santo Sacrificio di misa cu lo tumalugarnamisa Inmaculada Concepcion na St. Cruz.

E fechanan ta lo siguiente: 2 october, 5 october y 8 october 2019 pa 7.00 p.m.

Nexen Felies lo regresa cas pendiente di mas investigacion

Royal Aurora Funeral Home & Crematory

Laga tur loke ta spera mi ta bunita
Laga tur locual cu mi encontra ta bunita
Laga tur locual cu mi laga atras keda bunita y
Laga esakinan termina den tur bunita.

Cado Wever

Cu dolor na nos curason, nos ta anuncia fayecimento di:



Wilfred Roberto Howell

Mihor conoci como "Howie" "Fred" of "Bobsin"

*24-12-1952 - +25-09-2019

Na number di su esposa: Swinda Howell y yiu y nieta

Na number di su yiu: Sherwin Howell y esposa Dianhdra Howell-Erasmus

Su nietonan stima: Arjen Howell y Jarred Howell

Su rumannan: -Edward Leslie Howell y famia

-Yvonne Howell y famia

-Marjorie Agatha Howell y Armand

Radjiman y famia

-Henry "Urie" Howell

- † Alicia Howell y famia

-Rita Bryan Roberts y famia

Sobrino- y sobrinanan: Kevin y Kenjah Howell, Sylvia y Valentine Roberts y famia, Stephen Howell y famia, Jenelee Lourens

Manera yiu: Roberto Geerman y famia

Su mihor amigonan: Carlos Hodge, Valentino Peterson, Ronnie Brown, Dennis Rombly, Beto Winklaar, John Levenstone, Robbie Peterson, Juni Jones, Freddy Refunjol, Patricio Bridgewater

Su primo- y primanan: Alfonso Howell y famia, Allan Howell y famia, Sherry Howell y famia, Kevin James y famia, Grantly Richardson y famia y demas primonan na Corsow, St. Maarten, Anguilla y Inglatera
Ex-coleganan di Korps Politie Aruba (KPA), RST, Cuerpo Especial Arubano (CEA), ex-hungadornan di Volleyball y Ping Pong

Demas Famia: Howell, Bryan, Winterdal, Hodge, Erasmus, Radjiman, Roberts, Lourens, Hassell, Richardson, James, Geerman, Paesch, Winklaar, Maduro na Aruba, Corsow, St. Maarten, Anguilla, USA, Hulanda, Inglatera, Colombia y Irlanda.

Condolencia lo tuma lugar dialuna 30 september 2019 di 7'or pa 9'or di anochi na Royal Funeral Home.

Ta invita pa ceremonia y despedida cual lo tuma lugar diamars 1 di oktober 2019 di 9'or pa 11'or di mainta na Royal Funeral Home sigi pa e acto di cremacion den seno familiar.

Nos ta pidi disculpa si den nos tristesa nos por a lubida algun famia y conoci.

Despues di despedida nos no ta ricibi bishita di condolencia na cas.

WILLEMSTAD. Tratamento di caso di Nexen Felies di 42 aña di edad, temporalmente a cue un buelta faborabel pa e sospechoso aki, debi cu hunto cu su abogado señora mr. Snel a logra cu e ta bay cas pendiente di e investigacion andando.

Nexen Felies ta sospecha di a comete un atraco dia 28 di augustus 2012 na Rotterdam pa djei subi avion rapidamente regresa Corsou.

Den sala di corte Nexen Felies a insisti cu e no sa absolutamente nada di un atraco y a splica mas despues cu ta imposibel comete un atraco asina ey pa djei subi trein, yega Schiphol suficientemente na tempu ainda pa haña avion pa bini Corsou.

Den sala di corte Nexen Felies a amplia di su situacion, bisando na hues cu e kier un tratamiento hustu y corecto den corte, pasobra segun e na Corsou derechinan di ciudadanonan ta keda mahos trapa y den mayoria caso desicionnan robes y incorrecto ta cai.

El a regresa Corsou for dia aña 2012 y ta bibando un bida corecto, no ta nada di acuerdo at all pa ten'e cera siendo no tin pruebanan contundente cu el a haci algo robes.

Royal Aurora Funeral Home & Crematory

"Señor ta mi wardador, mi'ntin falta di nada
Den cunucu di yerba berde e taponemisosega.
E tahibaminaawatrunkil,
Pa mi bolbehañaforsa".
Salmo: 23

Cu hopi dolor nanoscurason, pero conforme cu Dios suboluntadnos ta anuncia fayecimento di nos mama, ruman, tantastima:



Jacintha Irena Dirksz

*05-04-1957 +28-09-2019

Acto di entierro lo wordoanunciadespues.

E ta debidamente graba

Gerard Ferero a harma un show, un comedia total den sala di corte

WILLEMSTAD. E ciudadano Gerard Ferero ta sospecha di a destrui e bancario di ACU situa na Caracasbaaiweg dia 5 di januari di e aña aki. Riba e camaranan cu tabatin instala na e sitio a mira debidamente cu ta Gerard Ferero tabata esun cu a drenta den accion y cu a kibra e bancario pa saca placa.

Ta trata aki di e suma di alrededor di 195.000 florin pa djei Gerard Ferero inmediatamente despues subi avion rumbo

pa Sürnam, caminda el a keda 4 luna. Den sala di corte Gerard Ferero diabierna a harma un show completo, hunga rol di kens y haci manera ta un adicto grandi na droga e ta cu no ta capas pa haci nada robes.

Como si fuera un ciudadano zowe y ta cu no sa ni sikiera con tene un schroefdraai den su man of mata un musca.

Den sala di corte Gerard Ferero a start un yoramento, hungando rol di kens y di

ta completamente inocente. Pero pafu di sala di corte, na caminda pa prizon ya el a hari haci masha normal mes.

Su abogado señora mr. Eidsen kier pa 'find out' tur detaye tocante su cliente su paradero durante e dia cu e ta supone di a dax e bancario. Mester chek su telefon, pasobra ta parse cu autoridadnan a haña e telefon di Gerard Ferero na un sitio pa e acusado ta totalmente incomprendibel y inexplicabel.

Royal Aurora Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos Curason nos ta participa fayecimento di mi querido esposo, nos tata, abuelo y bisabuelo:



Leandro Maduro

Mihor conoci como "Jani"
ex chauffeur di autobus B32 sta. Cruz
*09-07-1938 - †29-09-2019

Na number di su:

Esposa: Leonida Chichia Maduro-Ras

Yiunan: Richard y Adriana

Lilian y Albino

Sandra y Jeery (Venezuela)

Magalie y Cun

Soraja

Carine y Rudolph

Frenk y Norma

Nelson

Johny y Ricky (Hulanda)

Tanta: Dolorita

Nieto- y nietanan, bisanieto y bisanietanan, iha, rumannan, sobrino y sobrinanan, swa y cuñanan, primo y primanan, conocirnan y bisinanan.

Demas famia: Maduro, Ras, Tromp, Werleman, Petrochi, Leon, Muller, Croes, Kelly, De Castro, Marin, Corea, Matos, Thiel, Samuels, Bareño, Angela, Lispier, Gross, Richardson, Quintero, Reyes, Marquez

Ta invita pa acto di despedida cual lo tuma lugar na Aurora Funera home diaranson 2 di oktober 2019 di 9'or pa 11'or di mainta. Cremacion lo tuma lugar despues den seno familiar.

Dispensa nos si den nos tristesa nos por a lubida algun famia.

Nos mas sincero disculpa

Royal Aurora Funeral Home & Crematory

"Señor ta mi wardador, mi'ntin falta di nada
Den cunucu di yerba berde e taponemisosega.
E tahirbaminaawatrankil,
Pa mi bolbehañaforsa".
Salmo: 23
A fayececristianamente



Sofia Hildegarda Leonardo-Monart

*17-09-1931 - †28-09-2019

Acto di entiero lo wordoanunciadespues.

Royal Aurora Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altisimo, ta hospedá den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2

Cu dolor na nos curason, pero conforme cu boluntad di Señor, nos ta anuncia fayecimento di nos ser keru:



Diana Cecilia Geerman

Mihor conoci como "Didi" of "Tan Didi"
*09-06-1947 - †23-09-2019

Na number di su:

Yiunan:

†Anthony Werleman

†Eduard Werleman

Mark Trimon, partner y famia

Christina Trimon, partner y famia

Dayron Trimon

†Mayron Trimon

Rumannan: Vda. Juana Semerel-Geerman y famia

Filomena Geerman

Jossy Geerman y famia

†Benito Geerman

†Cletano Geerman

†Raymundo Geerman

†Imeldo Geerman

†Rosa Danje-Geerman

†Augustina Werleman-Geerman

Sobrino- y sobrinanan, primo- y primanan, amigo- y amiganan, ihanan y conocirnan.

Demas famia: Geerman, Trimon, Werleman, Semerel, Danje, Croes, Gijsbert, Gerritse, Fingal, Kelie, Yarzagaray, Henriquez, Maduro

Ta invita pa acto di despedida cual lo tuma lugar diamars 1 di oktober 2019 na Misa Inmaculada Concepcion na Sta Cruz di 9'or pa 11'or di mainta. Cremacion lo tuma lugar despues.

Disculpa nos pero despues di despedida nos no ta ricibi bishita di condolencia na cas.

Royal Aurora Funeral Home & Crematory

Juan 14: 6
Jesus a bisa: "Ami ta e caminda y e berdat,
y e bida; ni un hende no ta bin serca e Tata,
sino pa medio di Mi."

A fayece nos tanta stima:



Sra. vda Marianita Statius-Thiel

mihor conoci como "Annie" of "Tannie"

Acto di entiero lo wordo anuncia despues



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL